

Atansyon, Pnepane w, Aplike!



Prepane w pou Juvenn
Kan Bon Mache nan
Lavil New York



Housing Preservation
& Development

Consumer
Affairs

Sa w ap jwenn nan dokiman sila a

1

Enfòmasyon sou ki chwa
w genyen pou jwenn kay
bon mache p.3

1

Prepare w pou
aplike p.5

2

Aplike p.8

3

Prepare w pou si w
jwenn yon entèvyou
p.12

4

Resous (Zouti) p.16

5

Enfòmasyon sou ki chwa
w genyen pou jwenn kay
bon mache



Sa pran bon kou tan pou prepare w pou aplike
pou kay bon mache - Se pa annik chita ranpli yon
aplikasyon. Dokiman sila a pral ede w ranje kabann
ou pou prepare yon aplikasyon zewo fot.

Ki sa yon kay bon mache a ye?


Kay bon mache se kay ki koute moun k ap viv nan kay la yon tyè oswa mwens ke yon tyè nan kòb y ap fè pou yo peye kay la. Genyen diferan kalite pwogram kay bon mache pou fanmi ki fè diferan kantite kòb.

Nan gid sila a, lè nou di "kay bon mache" n ap pale de apatman nan pwogram apatman bon mache gouvènman an limenm li mete nan mache a. Se apatman lavil New York sibvansyone atravè New York City Department of Housing Preservation and Development (HPD) epi Housing Development Corporation (HDC).

Enfòmasyon w ap jwenn nan gid sila a ap ede w fè yon pi bon aplikasyon pou tout diferan pwogram kay bon mache lavil NY la ofri yo epi enfòmasyon sa yo ap pèmèt ou pi pare pou jwenn kay lòt moun ap lwe yo tou.



Kòb Ou Fè



Tout lòt depans
ou (De tyè (2/3)
oswa plis ke sa

Ki moun ki kalifye pou pwogram kay bon mache a? Nenpòt moun ka aplike! Men:

- Fòk ou genyen 18 lannen pou piti
- Ou ka bezwen yon Nimewo Sosyal Sekirite oswa yon Individual Taxpayer Identification Number (ITIN) ki se yon nimewo IRS bay moun ki blije peye taks men yo pa elijib pou genyen yon nimewo Sosyal Sekirite
- Dabitid moun ki deja ap viv nan vil New York la gen priorite sou moun ki pa viv nan lavil New York la pou yo jwenn kay bon mache yo nan pwogram HPD ak HDC yo.
- Fòk kòb w ap fè a anndan yon limit patikilye toudepann kantite moun ki pral viv nan apatman an ansanm ak ou. Chak pwogram yo gen yon limit diferan.

Prepare w pou aplike



Gen detwa bagay enpòtan w ka fè pou aplikasyon w nan pi djanm. Gen nan bagay sa yo ki ka pran plizyè mwa pou yo fin regle kidonk n ap ankouraje w derape jodi a menm — pi bonè se granm maten.

Se pou klè sou dosye kredi w

Mèt kay w ap chache lwe kay nan men yo pa gen dwa pou yo pa lwe w yon kay senpleman pou tèt ou pa gen bon kredi men yo gen dwa pou yo tcheke kondisyon kredi w. Asire w enfòmasyon ki nan dosye kredi w kòrèk, epi si l pa fin sa nèt demele w pou ogmante nivo kredi w. Se sa yo rele "credit score" ou.

- Kòmande yon rapò kredi w gratis ti cheri nan sit entènèt: annualcreditreport.com
- Si w jwenn erè nan dosye kredi w ou ka mande konpayi ki responsab rapò a dirèkteman nan entènèt pou yo fè yon koreksyon oswa ou ka rele yo nan telefòn, oswa voye yon lèt ba yo nan lapòs.
- Lavil New York gen konseye finansye pwofesyonèl ki ka ede w konprann dosye kredi w epi ki ka ba w konsèy sou fason w ka ogmante nivo kredi w gratis. Pou jwenn plis enfòmasyon sou sa ale nan sit entènèt nyc.gov/consumers oswa rele nan nimewo telefòn 311 pou fè yon randevou nan NYC Financial Empowerment Center ki pi pre w la.



Se pou klè sou dosye w nan Housing Court

Mèt kay w ap chache lwe kay nan men yo gen dwa pou al tcheke dosye w nan Housing Court pou yo ka wè si gen yon mèt kay ki te rele w nan tribinal deja oswa si yo te mete w deyò nan yon kay ou te abite. Se pou pran devan, al tcheke dosye w oumenm pou wè si gen erè pou ka pran mezi pou korijé yo epi si se pa erè pou w ka konnen ki jan w pral reponni si yo ta poze w kesyon sou dosye w.


- Ale nan ôdinatè ki disponib pou sa nan Housing Court yo; Chache dosye w epi enprime yon kopí pou tèt ou. Pou jwenn adrès Housing Court yo epi pou plis enfòmasyon, ale nan sit entènèt: nycourts.gov/courts/nyc/housing

- Gen avoka ki disponib nan Housing Court la pou ede w klarifye dosye ki kont ou yo ki rete ouvè oswa ijman ki fèt kont ou. Ou ka ale nan sit entènèt nycourts.gov pou jwenn plis enfòmasyon sou èd legal ki disponib.

Koumanse ekonomize lajan kay la

Se pou ekonomize omwen valè 2 mwa lwaye kay la pou peye premye mwa w nan kay la ak depozit la. Gade wè si w ta ka mete plis ke sa akote pou depans sa ap koute w pou bwote.

- Chache yon bank oswa yon credit union k ap ba w enterè sou kòb ou pou koumanse mete kòb akote.
- ✓ Si w gen yon kat didantite IDNYC w ap ka sèvi ak li pou ouvè yon kanè nan anpil bank ak credit union nan vil New York la. Ale nan sit entènèt sila a pou jwenn bank k ap pèmèt ou fè sa: on.nyc.gov/idnycbanks



- ✓ Ale nan yon NYC Financial Empowerment Center pou jwenn kout men pou ede w fè yon bidjè, pou ede w ekonomize kòb, oswa pou ede w ouvè yon kanè bank. Pou plis enfòmasyon ale nan sit entènèt nyc.gov/consumers oswa rele nan telefòn 311 epi mande pou NYC Financial Empowerment Center.

Aplike



Apre w koumanse travay sou kondisyon kredi w,
dosye w nan Housing Court, ak lajan w ap ekonomize,
koumanse aplike nan pwogram kay bon mache a.

Drese dosye pèsonèl ou nan sit entènèt Housing Connect la.

Premye etap pou rive aplike nan pwogram kay bon mache nan lavil NY la se pou drese dosye pèsonèl ou nan sit entènèt Housing Connect la:
nyc.gov/housingconnect


- W ap gen pou bay enfòmasyon sou kòb tout moun ki pral viv nan apatman an ap fè.




★ Pou kalkile kòb ou fè a fò w sanble kòb ou fè nan djòb ou, nan biznis pèsonèl ou anplis sa w rantre si w gen yon ti djòb akote. Fò w ajoute lajan w jwenn nan "worker's compensation", nan men leta (seswa sosyal sekirite oswa asistans leta), epitou kòb ki soti nan kék kategori envestisman ak retrèt.

W ap jwenn prèske tout enfòmasyon sila yo nan taks ou te ranpli ane pase a.

Si w travay pou yon lót moun, mete lajan w fè anvan yo retire taks ou (yo rele sa "gross income"). Si w genyen biznis pa w mete montan ou fè apre w fin peye taks epi apre w fin retire lót dediksyon yo (yo rele sa "net income").



Chèche kay




- Ale nan paj "Search" la nan sit entènèt Housing Connect la pou jwenn **kay** bon mache. Klike sou non biling nan pou wè si w kalifye pou lotri biling sa a.

★ Li pote non lotri paske an reyalite se yon tiraj osò li ye: yo mete tout aplikasyon yo ansanm nan yon gwo laye, yo bwase yo epi yo chwazi kantite y ap pran an san yo pa gade sa y ap pran an.

- Ou ka jwenn **kay** tou nan seksyon reklam nan jounal epi nan sit entènèt HPD ak HDC yo: nyc.gov/hpd/ak_nychdc.com

- Chak reklam yo ap di klèman konbyen apatman ki disponib epi konbyen moun ki ka abite nan chak apatman sa yo, ki valè total kòb moun ki pral viv nan apatman an fè pi wo oswa pi ba ke montan ki bay la ou pa p kalifye pou apatman an. Se pou aplike pou lotri nan biling kote kantite moun ki pral viv nan apatman an ak valè kòb la matche ak chif pa w yo.



- Si valè total kòb moun ki pral viv nan apatman an fè pi wo oswa pi ba ke montan ki bay la ou pa p kalifye pou apatman an. Se pou aplike pou lotri nan biling kote kantite moun ki pral viv nan apatman an ak valè kòb la matche ak chif pa w yo.

- Kèk nan apatman yo rezève apa pou moun ki nan yon seri sitiyyaison espesifik.

✓ Moun ki gen difikilte mache, tandem, oswa wè.

✓ Moun ki viv nan menm zòn (Community District) kote biling nan ye a.

✓ Moun ki travay dirèkteman pou Lavil New York.

Si gen nan kondisyon sila yo ki dekri reyalite pa w pa neglige mete sa nan aplikasyon lotri w lan.

- Chak fwa gen chanjman nan reyalite lavi w ale nan sit entènèt Housing Connect lan pou w al ajiste dosye pèsonèl ou. Ann di w ta jwenn yon nouvo travay oswa si w ta pèdi djòb ou fò w al mete sa nan dosye pèsonèl ou nan sit la prese prese. Chak fwa w ap aplike pou yon nouvo biling fè yon kout je sou dosye pèsonèl ou nan sit la pou asire tout enfòmasyon ki la yo kòrèk.

Aplike!

Depi w jwenn yon biling ou kalifye pou li, klike sou siy "Apply" ki akote reklam pou biling nan pou ka koumanse pwoesis aplikasyon an.

- Si w pa gen aksè ak entènèt ou ka ranpli yon aplikasyon sou papye epi poste li.

✓ Chak reklam yo ap esplike klèman ki jan pou jwenn yon aplikasyon sou papye.

✓ W ap jwenn enfòmasyon dirèkteman sou aplikasyon an k ap di w nan ki adrès pou poste l lè w fin ranpli l.

✓ Kòm sa ka pran detwa jou pou jwenn aplikasyon sou papye a nan lapòs demele w pou aplike nan entènèt si dat limit pou biling ou chwazi a pre rive. Kit ou fè yon aplikasyon sou papye oswa ou fè l nan entènèt w ap gen menm chans pou genyen nan lotri a.

- Asire w ou aplike anvan dat limit lan! Tan pou moun aplike a konn dire detwa semèn konsa tou li konn dire detwa mwa kidon mache prese. Pa fè bounda lou.

- Depi w renmèt aplikasyon w anvan dat limit la ou pa p gen pwoblèm. Moun ki renmèt aplikasyon an 2 mwa anvan delè a gen menm chans soti nan lotri a ak moun ki renmèt li yon jou anvan delè a.

- Pa renmèt plizyè aplikasyon pou menm biling nan. Gen posibilite yo ka anile aplikasyon w yo si w fè sa. Si w fè yon aplikasyon nan entènèt, pa voye yonn nan lapòs pou menm biling nan.

Apre ou ranpli aplikasyon an

Sa konn pran en an oswa menm plis pase en an pou konnen si w soti nan lotri a oswa si w pèdi. (Konsa tou ou ka pa janm jwenn yon repons)

- Padan w ap tann pou jwenn repons lotri a tcheke kontra kay kote w rete a pou klè sou sa li di pou sizoka ou ta gen pou renmèt apatman sa a anvan dat kontra a bout. Si w soti nan lotri a ou ka blije bwote prese prese.

- Kalifye pou yon biling pa vle di aplikasyon w nan ap sotí kanmenm nan lotri a pou sa.

- Si w pa soti nan lotri pou yon biling ou te chwazi yo oswa si yo pa ekri w pou di w kichòy kontinye chèche lòt apatman ou kalifye pou yo epi depi w pare, aplike.



Prepare w sizoka yo ta relew pou yon entèvyou



Lè yo chwazi aplikasyon w nan nan lotri a, y ap mande w vini nan yon entèvyou verifikasyon ak responsab biling nan. Entèvyou sila a enpòtan anpil. Se la responsab biling nan yo pral evalye tout dosye w pou wè si ou kalifye tout bon pou biling nan. Se pou koumanse rasanble tout dokiman w, ranje kabann ou pou pa nan kouri si yo rele w.


Sanble tout
dokiman enpòtan
w ap bezwen yo.

Nan entèvyou a w ap gen pou montre tout dokiman ki apiye enfòmasyon ou te ekri nan aplikasyon an. Koumanse rasanble fotokopi tout dokiman sila yo imedyatman.

Men sa w ap gen pou montre:

○ Ki moun ki pral viv ak ou nan apatman an. Kèk egzanz dokiman w ap bezwen:
 - batistè moun yo
 - Kat sosyal sekirite moun yo
 - Kat didantite moun yo ki gen foto yo ladan 1

○ Kòb chak moun ki pral viv nan kay la fè. Kèk egzanz pou dokimante kòb moun sa yo fè:
 - souch chèk
 - papye taks federal oswa taks leta New York
 - dokimantasyon sou lajan sosyal sekirite, benefis veteran oswa asistans leta chak moun sa yo jwenn.



- Enfòmasyon sou kay kote w rete kounyè a. Kèk egzanz pou dokimante kote w rete kounyè a:
 - Kontra kay la (bay la oswa "lis" kay la)
 - resi pou lwave ou peye chak mwa
 - bòdro gaz oswa bòdro elektrisite pou mwa k fèk pase yo
- Si w ta gen difikilte pou jwenn dokiman sila yo, ale nan sit entènèt HPD a pou plis enfòmasyon: nyc.gov/hpd/afteryouapply



Prepare w pou entèvyou verifikasyon an

W ap resevwa yon lèt nan lapòs oswa yon imel k ap esplike w ki jan pou fè randevou pou entèvyou verifikasyon an. Fòk tout moun ki pral viv nan apatman an ki gen plis ke 18 an la nan entèvyou a.

- Lèt oswa imel w ap resevwa a ap gen kontak yon responsab biling nan. Se limenm w ap kontakte pou fè randevou a.

- Si w gen yon pwoblèm k ap anpeche w ale nan randevou a rele responsab biling nan osito w kapab pou fè yo konnen epi pou fè yon nouvo randevou. Anpil nan responsab biling yo mande pou fè sa omwen 24 èd anvan randevou a.

- Responsab biling nan va di w ki dokiman pou pote nan randevou a. Si gen bagay ou pa fin byen konprann rele nimewo k nan lèt oswa email la pou klarifikasiyon.

Sa pou fè apre entèvyou verifikasyon an

Se posib w ap gen detwa lòt etap pou franchi anvan tout bagay fin klè.

- Menm lè yo fin aksepte aplikasyon w nan w ap gen detwa lòt etap anvan oumenm ou deside si w ap siyen kontra kay la.
- Se posib yo ka mete w nan yon lis datant. Atant la ka dire jiska 2 zan. Nan tan sa a responsab biling nan ka rele w pou asire enfòmasyon nan dòsyé pésònèl ou a pa chanje. Se pou fè yo konnen si oumenm ou deside pou yo retire non w nan lis datant lan.
- Yo ka voye yon lèt ba ou pou fè w konnen biling nan rejte aplikasyon w nan epi pouki sa yo rejte li. Si sa rive ou gen dwa pou ale annapèl. Lè sa a w ap gen opòtinite pou di pou ki sa ou panse biling nan pa t gen rezon rejte aplikasyon w nan.
- ✓ Si w deside pou ale annapèl pa chita sou sa - dat limit pou renmèt demand apèl la se 10 jou apre dat lapòs make sou lèt ki rejte aplikasyon w nan.



✓ Si yo pa dakò ak apèl ou a w ap jwenn yon nouvo lèt ki di yo rejte aplikasyon an ankò. Si w pa dakò ak nouvo desizyon yo a, ou gen 5 jou pou plent dirèkteman nan HPD oswa HDC selon kiyès nan 2 ajans sila yo ki responsab biling nan. Fò w di klèman pouki sa ou panse toujou gen erè nan dosye a. Lèt w ap jwenn ak rezulta apèl la ap di w ki ajans pou kontakte epi ki jan pou fe kontak ak yo.

- Si yo mete w nan lis datant oswa w jwenn yon lèt ki di w yonn nan biling ou te aplike yo pa aksepte w pa dekoraje, tout gen possibilite pou sa mache nan yon lòt biling ou te aplike. Kontinye tout travay preparasyon w te koumanse yo sizoka sa mache yon lòt kote.



J
W
E
N
N

P
L
I
S

E
N
F
O
V

M
A
S
Y
O
N

Resous

JWENN EPI APLIKE POU KAY BON MACHE

nyc.gov/housingconnect

LÒT KOTE POU JWENN KAY LAVIL NY SIBVANSYONE

Sit entènèt HPD a:

nyc.gov/hpd/rentalopportunities

Sit entènèt HDC a:

nychdc.com/pages/Now-Renting.html

KOUT MEN POU JWENN EPI POU APLIKE
POU KAY BON MACHE

nyc.gov/hpd/findhousing

YOU CAN ALSO GET HELP FROM
A HOUSING AMBASSADOR

Ale nan sit entènèt sila a pou jwenn
yon òganizasyon kominotè ki ka ede w:
nyc.gov.hpd/findhousingresources

NAN NYC FINANCIAL EMPLOYMENT CENTER YO,
W AP JWENN KOUT MEN GRATIS, PWOFESYONÈL EPI
W AP KA CHITA POU KONT OU AK YON KONSEYE
FINANSYE POU PREPARE W POU APLIKE POU
KAY BON MACHE

Pou plis enfòmasyon ale nan sit entènèt
nyc.gov/consumers oswa rele nimewo telefòn
3Il pou fè yon randevou nan NYC Financial
Employment Center ki pi pre w la.

Pwojè sa a fêt ak kolaborasyon Center for Urban Pedagogy (CUP) ki se yon òganizasyon ki pa la
pou fè kòb ki sèvi ak travay grafik pou ankouraje bon jan angajman sivik: welcometoCUP.org

Se Maison Papercut (maisonpapercut.com) ki fè aranjman grafik la.

Se Rebecca Clarke ki fè desen yo.



Housing Preservation
& Development

Consumer
Affairs



Citi Foundation

Citi
MAYOR'S FUND
TO ADVANCE
NEW YORK CITY